



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Capvt VI. Oratio de felici consummatione in virtutibus.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

tas mea, tu habitatio mea. Tu cibus meus, tu potus meus, tu re-
quies & refectio mea. Tu socius dilectus, tu intimus amicus, tu
cognatus & proximus, tu frater & soror, tu pater & patronus.
Tu pastor & custos totius vitæ meæ, cui me & omnia mea fide-
liter commendo; quia non est salus extra te, nec tutæ vita absque
te. Fiat ergo misericordia tua Domine super me, & gratia tua in
omnibus comiteretur tecum: siisque oculus tuus super me die ac
nocte; & manus tua protegat me semper à dextris & à sinistris
a recto itinere me digneris perducere, in domum habitationis
gloriæ tuæ: ubi te merear laudare & benedicere sine fine. Amen.

CAPVT VI.

Oratio de felici consummatione in virtutibus.

1. O Ro te Domine Pater sanctissime, qui omnia in numero,
pondere, & mensura fecisti: qui famulatum tibi debitum
ab omni creatura rationali vis exhiberi, & precipue in servis tuis
spontaneum seruitum diligis & requiris: dirige aeternos sp̄-
taneos in beneplacito tuo, & ad imperium æternæ dispositionis
tuæ rebelles motus carnis meæ reflecte, propriasque voluntates
ex integro frangere mihi concede. Sic ordina cunctas affectio-
nes meas, ut malas statim ab initio respuam, bonas fortiter re-
neam, puras diligam, teque sine corporeâ imaginatione con-
templari discam. Sicutemper vires meas & operationes exte-
rius, ut non totus inhæream infirmis: sed semper potens sim me
conuertere interius, & sine graui tardatione, ascendam ad cæle-
stia. Sic me conserua in æternorum desiderio, in amore sancta-
rum virtutum, in fruitione cælestium: ut tu Domine Deus am-
pliorum inde habeas honorem, & ego salubriorem profectum
luscipiam.

2. Non mihi veniat ex tua visitatione pes superbie, nec me
vezet pestis vanæ gloriae. Non me finas Satanæ decipi illusio-
ne, neque falsa rapi dulcedine, neque priuata devotione extra co-
munitatem recedere, neque immoderata frangi exercitatione.
Sed da mihi cuncta cum discretione agere; sine solerti consilio
nil prætendere; cum timore & reverentia maiestatis tuæ, in con-
spectu tuo mundè ac liberè, sine omni passione & corruptibiliū
terum affectione incedere. Da humilem & quietū spiritum pos-
sidere, effusum & immoderatum nunquam esse: nulli quoque
creatüræ virioso affectu inhærere, sed tibi soli cor meum mun-
dum & tranquillum conseruare: ut semper ad cælum mente cre-
ditus, & tibi Deo meo secrètè intentus, à nulla re visibili capiar,
sed verus mundi contemptor permaneam,

3. Sic

3. Sic exteriora pro loco & tempore da congruenter perficer, vt nullum interioribus meis sint detrimentum. Sed omnis labor & actio pro te assumpta, ad liberiū postmodum vacandū, iuuamen mihi præstent & ducatum. Omne etiam quod ago exteriorus, aut quicquid interius intelligere possum, da mihi simpli- citer & pure, pro maiore nominis tui honore, & beneplacentio- ris voluntatis tuae amore perficere: meque ipsum tibi in omni re desiderabili aut naturæ contraria promptè resignare. Patien- ter quoque præsentis vitæ sarcinam, quoadusque iussiferis, & meæ vocationis terminus venerit, perferrere; corpus quoque & a- nimam tibi creatori meo fideliter commendare. Memento mei Deus in hora extremæ necessitatis, & fac misericorditer cū ser- uo tuo: qui non in meritis meis, sed in tua miseratione & pietate confido.

CAPVT VII.

Exhortatio ad humiliationem & compunctionem.

Inclinate (anima mea) humiliter & sponte sub Deo, in- curua te profondè sub omni creatura propter Deum. Fac te minimum in corde tuo, nec te dignum æstimes communī hac luce frui; quia Deum & sanctos peccatis tuis offendisti, nec de- bitam reverentiam eis exhibuisti. Citò ergo ad lachrymas re- curre, & cum magna cordis contritione veniam deprecare; ut ti- bi misericorditer Deus indulgeat, quicquid contra eius benig- nitatem deliquisti. Antequā dies extrema & mortis horror veniat, lachrymis & precibus studeas faciem pij conditoris recōciliare, & tuam vitam deinceps ex toto in melius mutare proponat.

CAPVT VIII.

Oratio pro lachrymosa contritione peccatorum obtinenda.

OMisericordissime Deus, cuius natura bonitas, & opus mi- sericordia est: da mihi secundum multitudinem misericor- diarum tuarum, perfectam peccatorum meorum habere contritionem: vt dolore cordis mei intrinsecè compunetus, amarissi- mè flere valeam: & scelera mea atque delicta vniuersa digna ca- stigatione extorquere, eaque sacro pœnitentiæ lauacio abluere possim & purgare. Quatenus remissionem omnium peccatorum meorum te propitiante merear percipere, atque in tua miseratio- ne respirare.

2. Da mihi zelo iustitiae aduersum me armari, & tanquam contra pessimum peccatorem & iniquum latronem commoueri

&